

第三七日即見毗那夜迦惡形羅刹作寂靜來來已作是言我作何爲修行者作是言爲奉教則爲使者所使令皆依教成辦其魔若作忿怒心觀修行者則滅壞夫作先事者於河或蓮華池或一樹或大華園而作一字奇特佛頂經卷上

一字奇特佛頂經卷中

尹二

特進謹滿禪鑾興善寺彌陀大廣智不空奉詔譯

成就頻那夜迦品第五

於屏處安佛像於一切有情起悲愍心取神通月三時澡浴三時換衣時別誦一千八徧乃至月圓滿其終日晝夜不食作一僧伽黎

徐秀

衣以新帛淨洗妙染善縫應量以一切香塗以香塗一壇安袈裟於壇中然酥燈一千八盞於一切佛菩薩全身作禮作是言我行菩薩行發如是心結跏趺坐以右手按袈裟念誦了至得飛騰虛空身如初日暉禮一切佛菩薩稱一字頂輪王名纔稱名得無超勝

力往詣於金剛手菩薩一切天龍藥叉乾闥婆阿脩羅迦樓羅緊那羅摩睺羅伽等皆作禮作是言我等作何爲若披僧伽梨衣被等倒於地復以心令起

又法作先事法於山及池側或餘處或食菜麥或飲乳或乞食禮佛說罪作隨喜功德誦

二十洛叉所爲所作皆得成就

又法欲令禁止殺害令彼昏睡禁器仗盡四印曼茶羅或畫蓮華廣大曼茶羅隨力供養飲食於一髻羅刹尊處對門作青幡其幡作三擷金剛杵形於幡上以自嚕地羅畫三鉢金剛杵於中書一字頂輪真言并書輪王形狀繫於竹竿於竿下取觸體末作壇如金剛杵形於中作護摩爐爐四邊獨股金剛杵相連圍繞以遏伽木然火用摩奴沙骨及嚕地羅并毒藥相和如持一徧一燒乃至一百八徧對軍陣前即彼軍衆如盲迷亂一切器仗彼手而落並皆禁止

又法欲令他軍墮落令醫人五肢取血於爐作於護摩瞬目頃彼軍皆得墮落則隨意縛若欲令息災取酥蜜和龍華護摩即得安樂又法欲摧他敵念誦令他近來既近或作前曼荼羅及彼諸於彼軍前裸體散髮結被甲及牆印三時各誦一百八徧燒摩奴沙肉及

嚙地囉和毒護摩行者夜眠牛皮或隨意眠如是作已護令彼事俱摩羅天梵天摩醯首羅及帝釋加護彼營者於七日中被決定更互相成鬪訐馳走心生苦惱彼互不相見乃至十五日中間彼等被禁止無有餘殘能動者不依儀軌忿怒對軍陣前隨意作法或依

餘教作護摩皆得成就

又法取生牛酥作摩尼形對像前以妙香華散壇上以三菩提葉安酥珠念誦乃至暖取珠不著齒吞之纔食已心所思惟皆一切發生力敵千丈夫隨欲現身壽命一劫纔稱吽字山峯城邑天廟皆得損壞隨所有物護摩

百由旬內稱彼人名及囉惹悉底利皆得鉤又法驗知伏藏取牛黃酥蛇脂牛脂雄黃過迦皮作燭於近伏藏處一肘量地然其燭加持二十一徧旋其燭其燭隨大小其藏亦如是若有障難亦以此真言遮制

又法於清閑處阿蘭若於窣堵波前安佛像

三時澡浴三時換衣時時別誦一千八徧從日初分起首乃至月圓其日晝夜不食以酥末那華於像上作帳以種種塗香華曼燒香供養然酥燈一百八盞及種種飲食獻佛結跏趺坐有助伴及無伴起大慈心具大精進念誦乃至相現雲聲道場中幡幢等動燈燄

增盛從佛像出光像動若見如是相一切所欲成皆得成就

次說最勝成就入大阿蘭若或於大河岸作次說最勝成就入大阿蘭若或於大河岸作無畏於彼安佛像常定意食根果等誦二十洛又徧念誦已周隨力作供養於荷葉上牛黃作三波多護摩已結跏趺坐安於二手

掌中念誦乃至三相現若暖轉輪聖王尚作敬愛何恐餘有情壽千歲若烟安達馱那成就中爲王最勝日行千里復來於一切成就中安達馱那心念生一切飲食作一切神變於帝釋邊安達馱那何恐餘有情身有光耀壽命千俱胝歲若燄纔塗身自然紺青琉璃

環髮身如初日色二八六相難瞻睹調伏難調者隨意欲現身意迅疾一切天梵天等不能沮壞無疑周圍一由旬身光照耀得神通境智壽命一大劫無量百千持明以爲眷屬有大威德於天阿脩羅鬪戰得無能勝往於帝釋帝釋與半座菩薩與位齊等承事無量諸佛心不於欲傾倒無量佛世界乃至隨次第得菩薩地

又法復說餘最勝成就法作先事法已見曼荼羅從師得灌頂持八戒成就三歸菩提心作成就於虛空室或山曠野或牛欄其處有種種土水離臭穢爛泥於佇前成就處深掘

剉膝去瓦礫炭石等以一字頂輪心真言加持水於彼等處灑則取餘香土填滿其處作緣起藏窣堵波安像於彼前夜澡浴著新淨衣以塗香華燒香作啓請一切辟除等用一字頂輪心誦三十洛又滿已用三鐵作金剛杵其匠令受八戒作于三波多護摩已於黑

月八日十四日取白芥子盛滿於瓦椀安於彼上坐茅草作供養儀軌一切意樂飲食皆奉獻以手按金剛杵念誦乃至光燄纏光已并眷屬凌虛色相如金剛手能調伏難調有情一切成就中爲最勝一切天龍藥叉等作禮不避道得映徹身超過十佛刹土遊無量世界與千眷屬壽命大劫命終生於金剛手宮又法爲病者加持水七遍送與彼飲即得除差若患翳白芥子護摩其翳等皆馳散又法於海岸邊安本尊像依儀軌誦一洛又娑伽羅龍王令入自宮於中求如意寶得隨欲變現身自恣而行

又法安本尊像於阿脩羅窟誦一洛叉阿脩羅女出現引行者命入已求阿脩羅長年藥皆得或住於彼

又法於一窣堵波乞食作先事法誦十萬徧終畢於黑月八日晝夜不食隨力供養飲食念誦乃至自影隱得無超勝力壽命一萬歲

若初不成就復作先事法後當求成就至第八偏設作無間罪者亦得成就

又法以赤鬘著赤衣手持佉吒網迦於賒摩賒那取七蟻封如來肘量作窣堵波安緣起偶對前飲乳食麥或乞食於塔前寢息誦一洛叉於彼見種種惡狀恐怖不應怖畏於黑月十四日晝夜不食於窣堵波廣大供養一切鬼神皆施之食佉吒網迦以香華燒香供養被甲胄結牆等界結跏趺坐念誦乃至從佉吒網迦出光明即佉吒網迦成就即持之於賢衆得敬愛彼等皆遵奉其佉吒網迦於餘處夜無人處卓著地自然成百柱宮殿一

切寶莊嚴天女承事丈夫承旨一千眷屬隨一切受樂壽命五千歲拔却即不現

又法補沙鐵作輪量小坼刃令利十二輻作先事法於河岸山頂有舍利塔處安本尊像隨次第如前供養青香等供養輪施與諸鬼神食結跏趺坐二手持輪從黃昏起首念誦

五

五

乃至相現有香風起空中聞呵呵吉哩吉哩聲一切山皆震動一切海激動不應怖畏復更念誦為一光聚圍遶持誦者彼持輪瞬目即到阿迦尼吒天與菩薩齊等住一大劫於中劫見佛出世即從此後次第起菩薩地身壞生於持金剛宮殿若於無舍利塔處誦一字頂輪真言者及不清淨處不降雨何以故王難起非處念誦故身患有大災難又法說劍成就補沙鐵作劍諸根不闕匠作一肘量無伴堅固勇志或有伴已作先事法上於山頂作緣起藏窣堵波作廣大供養一切有情利益菩提心對塔前作發露等隨喜

一切功德坐團茅薦以右手持劍從黃昏起首乃至明相出時則相現手戰動光如流星乃至一千道彼光照耀持明者彼時大持明王皆來灌頂彼行者并眷屬並凌虛刹那頃遊於界無礙行於五由旬內照耀

又法說賢鉢成就由菩薩成就此能息一切

有情飢渴苦惱於有舍利塔乞食極嚴毅安本尊像寂默敷茅而寢依持明經說禁忌善巧一年念誦於白黑月分三日三夜不食於像作廣大供養取不黑底迦羅賒盛一切種子諸寶藥等對像前結跏趺坐以右手按鉢口念誦乃至於中一切物隱復念誦乃至一

切物復現彼鉢羯擎羯擎作聲當知即成就即於此鉢所思惟象馬車乘真多摩尼寶及諸物悉底利等則於鉢中出生隨意施藥與一切有情

又法其處有藥叉女現驗處作先事法已於彼處念誦塗小曼茶羅以併陀羅木然火三

夜以白芥子護摩一千八編藥叉女即來隨意告彼與我長年藥得藥服已壽命一劫若不來取白芥子和自噓地囉燒一千編作呵呵聲即來先不應作若作彼即損壞

又法飲乳食麥於有舍利塔安本尊像一千念誦於一黑月分八日則於佛世尊供養飲

尹二

六

食依儀軌奉獻對像前然火燒尼瞿陀樹木三甜燒一千八編俱尾羅藥叉皆來不應怖畏先所置香水獻過伽波藥丈等言尊者有何事喚我等即告彼與我作為奉教作是已隱而不現即得藥叉衆成就所樂求皆與求天妙長年藥皆得給百千眷屬具六味飲食

所思所求皆得

又法欲令梵王毗緜摩醯首羅敬愛者於黑月分對本尊像前用無煙炭以安悉香丸三時和酥護摩一千編中夜皆來隨欲請及求長年藥所求皆得

又法令囉惹敬愛於本尊像前乳木然火白

芥子和三甜護摩一千八編七日三時四洲

主尚能來敬愛

又法欲囉惹類愛敬遇伽木然火七日三時

用赤芥子護摩

又法令一切鬼神敬愛鹽和噦地囉護摩即

得

又法其處有梵羅刹及餘類鬼神住處至於
彼住禁戒誦十萬編即得大伏藏或能令他

驅擯

又法不簡日宿亦不齋戒先作先事法取不
壞沒嚕多摩奴沙淨洗浴莊嚴於賒摩賒那
中安摩奴沙頭向東行人面向之而坐以法

尹二

陀羅攝繫縛之施一切鬼神食四方著護持

劍行者坐摩奴沙心上取鐵末加持投其口
中乃至出舌速持利刀截取成青蓮華色劍
由持此劍并眷屬凌虛一切持明無能沮壞

於一切持明中為玉壽命大劫身壞生天

計羅峯悅意 犇峯具端嚴 金峯於頂處

成就人所居
頻陀山適悅
麼頰仙山處

彌盧之大峯 青赤蓮妙處
金剛帝寶巖 圓會山悅意
及於大帝山 雪山與香浦

如是悅意處
樂天女歌詠
遊行持明者

閑靜豐安樂 同天女遊戲
持明女與俱 最勝受娛樂
如帝釋舍支 無人能敵對

彼得無礙趣
持明常遊行

一切處流轉 如是具功德

若修真言明 若不成就共此一字頂輪相和
誦對佛像前供養於佛念誦則於像前寢息
於夢中見真言增減令真言充盛對像前然
乳木柴用酥護摩一千八編其本尊即成就

此法第七番應用不然即壞

又法欲作阿毗遮魯往於賒摩賒那以賒摩
賒那柴木然火以燒屍灰護摩一千八編帝
釋尚從自處移轉

又法欲令囉惹類麼羅著濕衣以腳踏陵上
哦誦一字頂輪乃至衣乾如是被冤家身即

乾枯

又法取薑石一一加持對城及村邑前往擲
七夜過七夜爲大靡梨復令息災對像前乳
護摩一千八徧以香水加持一百八徧於彼
城及村邑聚落四方灑即得止息

又法若有損壞三寶者令彼調伏住善巧方

便爲彼往於賒摩賒那以尸灰作彼人形行
人裸體散髮依阿毗遮嚧迎儀誦一字頂輪
一千八徧彼則被梵羅刹所持除自身餘持
誦者不能解此是菩薩巧方便菩薩種性者
應作

又法取旃陀羅家火往於賒摩賒那取其中
尹二

木然火取苦瓠子稱彼人名或思憶護摩一
千八徧則彼大瘞所持欲令解對像前浴佛
像誦真言取浴像水灌彼身上

又法欲令摧滅取摩奴沙骨八指作擦加持
一千八徧釤冤家門閭下一切財物皆盡除
擦即解

又法於賒摩賒那燒紫錦和嚧地羅護摩一

千八徧彼即止息

又法若欲自佗灌頂取四不黑底餅取河流
水滿盛一切寶及香并種子等安其中加持
一千八徧令弟子或營事者令灌自頂一切
災障鬪諍言訟一切障難皆得解脫

又法於有舍利窣堵波前安本尊像飲乳麥
隨力供養誦真言三洛叉即能令彼迷亂癒
等事

又法三時說罪隨喜勸請發願樂作或飲水
食麩於大河水至脣誦三洛叉欲令敬愛隱
身成就雄黃雌黃等事皆能成就

又法三夜不食於賒摩賒那南邊而住獨已
無侶誦一洛叉則於一切事皆得堪任

又法若有難調惡龍壞佛法損害有情欲令
調伏三夜不食於龍處取白麪子和毒及嚧
地囉護摩其龍從池中出七日中間所作皆
成所求皆得若不出念誦至二洛叉或三洛

又彼龍即死龍池中聞臭爛氣

又法加持左腳七徧以忿怒踏地誦一字頂

輪并加吽字誦則禁止象馬車步兵等

又法令怨家麼羅往於賒摩賒那取賒摩賒
那灰忿怒作後人形加持利刀從脚段段截
於賒摩賒那火護摩於第七日其命不存

又法若於軍陣於王宮或言訟處誦時得勝

又法油麻護摩男女敬愛

又法加持右手頭指七徧或囉惹囉惹類或
餘人擬皆得敬愛即以此指象水牛披等皆
能禁止

又法欲自己成就入賒摩賒那中賣莽婆用

一字頂輪護身七徧加持召龍底利及持明
底利亦用此真言鉤召

又法取霹靂木十二指作金剛杵於賒摩賒

那中念誦三洛又阿脩羅門關鍵內外開摧

又法一字頂輪真言加吽字能禁止佗軍未

成就忿怒誦亦能禁止他軍若成就樹令倒

能損一切明真言并吽字誦於賒摩賒那中
得加護

又法補沙鐵匠受八戒者作金剛杵於賒摩
賒那受八戒心不散動作先事法手持金剛
杵誦十洛又於黑月十四日中夜時一切香
華燒香飲食燈明作儀軌供養於佛左手持
金剛杵結跏趺坐念誦於是朝時其杵千光
晃耀由持此杵即得成就纔發心并眷屬凌
虛能持罰一切持明威光無能與等帝釋與
半座為大持明王住一大劫持金剛杵隨意
遊行

又法瘞四日一發等并蠱毒等加持即得除遣

又法於賒摩賒那作奢覩嚕形以左腳踏心
以右手頭指擬并吽字誦一字頂輪一千徧
即彼刹那頃滅壞亦以此真言却能令止息

又法取賒摩賒那夾作奢覩嚕形以佉陀羅
擬誦真言當頂釘之應時滅壞

又法取白芥子於賒摩賒那加持十萬徧能

尹二

十

摧倒一切關鍵居鎖等

又法於賒摩賒那八日取不壞損沒栗多補嚕沙依法洗浴莊嚴四方一切鬼神食生於心上於彼口中以白芥子一誦一擲乃至待舌出以利刀截即爲劍由持此劍一切持明中爲王無比超勝力隨意於此世界遊行

又法於有舍利窣堵波香等及飲食供養於滿月對於像前燒沉水香晝夜念誦即於晨朝請僧次應供養於彼大衆乞悉地則以此儀軌結跏趺坐念誦即得成就不思議王長壽聞持皆得成就

又法作先事法於舍利窣堵波於清淨處於

滿月晝夜不食發慇重心取不墮地瞿摩夷塗壇取八餅滿盛水及諸種子諸藥等種種華鬘繫頸以種種燒香薰陸沉水檀香等和所盛水捨自身奉獻於一切佛菩薩結跏趺坐念誦乃至從頂出光明右旋遶持誦者即隱入行者身即得身成就即其身光明刹那

頃即得環髮二十年狀五神通威光如融金照耀并眷屬凌虛一切天龍藥叉乾闥婆迦樓羅緊那羅成就摩睺羅伽皆禮敬刹那臘縛須臾頃遊無量佛世界爲梵行欲心不傾動所去處於彼彼帝釋與半座威德無比於超思議佛世界見無量佛從彼所聽聞法皆

尹二

十一

得勝解如是次第修菩薩行時於菩薩行得入調伏善巧方便行不從彼三摩地力損減隨意住乃受生

又法入水念誦一洛又作是功已被瘞所持欲令解脫酥蜜相和護摩即得除愈若作息災加 薩嚩_二合訶字

又法於靜處安本尊像以一千俱胝衛華擲像上稱彼名一誦一擲爲彼種族皆得敬愛

又法若息障難者濕衣忿怒念誦油麻白芥子和酥燒一百八徧三日日三時一切魔障皆得除滅

又法上山頂飲乳以一切香作十二指或六
指金剛杵左手持念誦乃至暖烟光烟安怛
默那成就中爲王若暖持金剛杵所見彼皆
敬愛若光即得持明仙

又法取素路多惹那先以千三波多護摩至

太陽蝕時加持一百八徧安於口中念誦乃
至太陽復令婆羅門女斫加持一千八徧用
點眼即得安怛默那一切安怛默那成就者

無能息隱

又法求語成就作先事法於清淨處安本尊
像於一切天龍藥叉等次第施食於像前作
護摩爐青蓮華和三甜護摩十萬徧即成就

右遶本尊像對像前念誦於餘日隨力設僧
乞成就從此已後所欲求一切以語皆得順
從

又法安悉香作丸三時護摩各一百八徧意
所樂皆得圓滿鬼魅所加持呪線繫

又法油麻白芥子和酥一日對像前護摩所

求皆得

又法令女男敬愛蠟作被人形作時誦一字
頂輪以苦油滿其肚以七摩那刺七關節處
刺佉陀羅火上炙加持一百八徧七夜即得
所求

又法令他驅擯赤芥子擣作末作被人形從
尹二右腳截於佉陀羅炭灰中誦真言護摩七日

即得如願

又法令自身息災於有舍利塔安本尊像香
華等供養取新餅盛滿香水并一切藥及諸
寶等加持一百八徧以不截繩繫餅項灌沐
自身離一切罪一切障難

又法加持青木香一百八徧口中含共人語
皆得敬愛於官府論理皆得語勝

又法取黃華於佉陀羅火護摩一千華得金
千兩

又法以鹽作他形於佉陀羅火加持一千徧
護摩所求人皆得敬愛祕密主如是等一切

世間出世間輪王佛頂皆能作

天龍藥叉王 餓鬼惡羅刹 及餘諸部多
見持誦消融 皆息諸天法 蟲毒部多那
常在行人手 彼罪不可得 一切求成就
相應者當得 教至被人手 造疾作諸利

余時金剛手祕密主白佛言彼有情以大福
攝受此教當得至被人手世尊我亦攝受彼
有情令此教入被人手於一切有情界此明
王作一切事業能滅一切怖畏常作加護財
穀增長壽無病八萬鬼魅族皆得除息一切
作厭盡法者非時而死毒火偏止一切有情
利益能除一切病得斷一切執曜勤勇師子

尹二

十三

爲矜愍一切有情故作如是說時世尊告金
剛手祕密主言我今說功能令除一切罪除
一切病汝當諦聽金剛手患一切鬼魅加持
五色線繫手護身以灰加持結方隅界加持
水一切瘡皆以線加持而繫自他令除一切
罪白芥子和酥護摩令增命故以俱蘇摩華

加持供養佛世尊

又法以蘇摩那華加持一百八偏擲於空中
即得天晴無雲

又法加持水所爲被人稱其名而飲令彼得
敬愛

又法以俱那衛枝加持七偏若覩下向之而
打其覩即移惡雲亦用此法

又法結方隅界用佉陀羅橛以水或白芥子
縛毗那夜迦

又法一切病加持五色線令帶即差一切鬼
魅一切病護摩即止加持華果與被人得敬
愛

又法食飲加持所與人皆得敬愛

又法作鐵橛加持一切怖畏一切障難皆得
加護天及鬼神羅刹橛故不得附近違越於
一切怖畏得加護一由旬結界

又法欲禁毒加持線七偏繫於乳木一切毒
皆消所有毒以土或白芥子或水加持用之

皆得除差一切病五色線加持一百八徧繫
病者即得除差燒沉水香或薰陸香能除一
切瘧一切怖畏處誦此明王皆得無畏

又法加持茅拂除一切毒於囚繫處誦從縛
得解脫患瘧者加持線繫脣即差
又法護自己身以心誦牛畜等疫加持黑線

結繫頸即差

又法被以惡法印者加持白線七徧結繫身

上即除

又法結方隅界以白芥子

又法患風癮加持油與飲即差

又法患眼加持水與洗即差

尹二

十四

又法藥叉所持加持水散灑即得解脫

又法餓鬼所持及癩瘻加持線與繫得愈

又法遮止龍用俱那衛枝破諸印以灰遮賊

加持土塊七徧擲四方

又法所欲求清淨澡浴著新淨衣對像前一

日一夜不食燒薰陸香誦真言一百八徧便

像前寢息夢中說善惡所求皆示

又法欲止霖雨入水念誦一切皆止求雨亦
入水念誦隨意多少

又法欲求食於初日分於村邑對城門住加
持蘇摩那華百八徧向城門擲然後入城得
不求食皆豐足

又法嬰孩爲魅所持以樺皮上書一字頂輪
真言繫項下即愈

又法常念誦一切人皆得敬愛

又法入王宮加持水一百八徧用塗面囉惹
并輔佐皆敬愛

又法衣華香瓔珞等加持或與彼或自著皆

得敬愛

又法諸飲食加持一百八徧稱被人名思念

而食即得敬愛

又法癱瘻等加持泥七徧塗之即愈我略說

所作皆得成就

世尊於彼時告金剛手祕密主言善男子如

尹二

十五

是一字輪王能作一切事業一切佛所說無礙教令無量那由他百千俱胝佛所說我今亦說我今說福利祕密主汝諦聽諦聽一切佛所說一切菩薩隨喜祕密主若有此大明王輪王佛頂若能受持讀誦若聞演說乃至書寫經卷供養念誦彼必不墮惡趣不爲餓鬼藥叉不貧匱不爲一切罪一切有情皆得敬愛一切皆得隨順所生處皆得宿命一切鬼魅不著身所謂天魅或龍魅或嬰孩魅羅刹魅或緊那羅魅或摩睺羅伽魅或補怛那魅或羯吒補怛那魅或毗舍遮魅或迦樓羅魅或阿脩羅魅或諸母天魅或鳩槃茶魅刀杖不著身不被毒火水所中一切他敵飢儉曠野如是處必不生一切毒瘡腫瘍起屍作法不祥皆得解脫一切天龍藥叉阿脩羅迦樓羅緊那羅摩睺羅伽皆禮敬善男子我略說所有一切災難彼一切皆不能爲害何以故佛境界無量佛所行境無量佛世尊無

量三摩地遊戲祕密主此一切賢劫中如來說過去未來現在佛說我今亦說恒河沙數同名如來說皆隨喜若有善男子善女人於後世後時比丘比丘尼優婆塞優婆夷淨澡浴對佛前作供養誦持此明王真言若成就聞如是福利生淨信當生天趣得天大威德

若生人中爲王得宿命智於此生中念誦離一切疾病若成就者此人身已末後身入菩薩境界遊無量佛世界如一切如來遊戲一字奇特佛頂經說法品第六

尔時寂靜慧善薩摩訶薩金剛手菩薩之弟從彼大衆集會起合掌禮佛爲供養世尊故從自願脫無價大真珠鬘以右手持獻於世尊說報答妙故說此伽他而讚於佛頂聲於三界諸有情悅意佛此聲最勝現語得榮盛所有佛住法調御彼說法世尊得菩提轉妙法輪者過往圓修者諸佛皆此坐世間無比人

於彼彼地所
得見爲吉祥
先是又吉祥
智慧者正住
親教師妹想
於尸羅最勝

皆成如金剛
過去爲吉祥
彼吉祥亦然
於彼常天想
皆見無畏者
由彼於法王

現對於世尊
過去爲吉祥
誰復聞妙法
彼聞教不壞
亦觀父母想
先作順教令
依附得供養

風吹香悅意
汝尊色無比
雜油麻成油
群品難算量
今所於此地
讚揚少功德
若能捨施者
於釋王教中

白佛言菩薩幾法成就修此佛頂輪王一切
如來三摩地熾盛
余時世尊以伽他荅寂靜慧菩薩摩訶薩
若有慈心清淨心
不麁柔軟具念者
護禁直修梵行
被人成就此明王
所有離罪不爲惡
增長常寂離瞋恚

如是之人成明王
如是於他常不作
如是之人成明王
常作恭敬而供養
彼皆成就此明王
於他不作不饒益
如是成就真言王
如空蚊蚋
憐愍親族想
所讚如寢言
或佛聲功德
珠髮無價寶
有情皆如佛

嫌恨於他及調戲
不窺於他之長短
若於佛法功德具
於他不打及不毀
無憚嫉妒及無慢
於他不作實過患

尹二十一
十七

善男子我承事六十俱胝佛供養於彼俱胝

佛不修梵行求法勤修行從彼受大明王廣

流布由彼善根則得廣大功德威德如是善

男子一切如來不思議三摩地殊勝是故善

薩護身口意修持此一字轉輪王如是善男

時寂靜慧菩薩摩訶薩以伽他讚揚世尊已

43

子如來於一切有情真言形爲善友寂靜慧作是言世尊善男子善女人恭敬如善友想應習大明王應承事供養何以故寂靜慧若於善知識親近修習得成善法聞善妙法以善意樂則得善加行以善業趣於善得善助伴不爲罪業作善加行趣於善已承事善助

伴不爲惡業既不爲惡於他護他意圓滿善

提道住道堪任有大力於住惡道有情作義利是故寂靜慧親近善友一切功德皆得圓滿皆稱讚時寂靜慧菩薩摩訶薩白佛言世尊菩薩摩訶薩幾法成就疾證無上正等菩提得甚深法忍佛告寂靜慧菩薩摩訶薩有

四法成就疾證無上正等菩提得甚深法忍何者四法入緣生法智入無衆生無人無壽者於空法性決定勝解境界遠離斷常二見如是四法前際清淨後際不來三世平等以現在智如是四法又有四法佛性應觀佛色性說厭僧如來以慧眼則慧眼清淨如是四

法又有四圓滿波羅蜜不捨四攝法以善巧方便無人決定故發生大悲清淨慧如是菩薩摩訶薩成就速證無上正等菩提於甚深法得忍世尊於此說四法時無量菩薩得無生法忍無量天龍藥叉乾闥婆阿脩羅迦樓羅緊那羅摩睺羅伽發無上正等菩提心

尔時世尊說此伽他

如是法理趣 正等覺所說 由修此真言
一切爲如來 若樂度生死 若欲斷諸結
爲一切依止 久修於此行 令起殊勝想
我趣於端嚴 思惟轉此言 常修平等行
不作不等行 則成菩薩位

一字奇特佛頂經卷中

十六

尹二